

Tūleo O Le **MALUAPAPA**




Tala mai le Kolisi Faa-Faifeau i Malua / News from Malua Theological College; Lomiga XXIX - Me 2013

TALOFA LAVA!

E faatalofa atu i le mamalu o le au faitau uma o lenei lomiga o le Maluapapa, i le suafa o lo tatou Alii o Iesu Keriso. Malo le soifua manua. E faatalofa atu foi i le paia ma le mamalu o le Ekalesia ua tauaofoia i Malua mo lana Fono Tele i lenei tausaga 2013, iau afioga i le Taitaifono ma le Sui Taitaifono faapea le Laulau o le Fono Tele, iau afioga i le Taitaifono ma le paia o le Komiti a le Au Toeaina, le paia i le nofo a Komiti uma a le Ekalesia, faapea le mamalu o Sui Usufono o le Fono Tele, ma le loaloa o le Ekalesia i ona tulaga faalupe.

Ia i le Atua pea le viiga ma le faafetai, ona o lana pule faasoifua ma lona agalelei tele ua tatou aulia mai ai lenei vaitau taua o le tausaga i le tauaofoia ai o le Fono Tele a le Ekalesia. E ui ina ua fāi i lagi le folaua a nisi o Tama ma Tina o le Ekalesia i lena tausaga, ae tatou te faafetaia pea le Atua i lona faaaogaina o tatou tagata faatauvaa mo lana feau ma lana galuega faaola i le lalolagi.

O le lomiga muamua lenei o le Maluapapa i lenei tausaga. O se avanoa taua e faailoa ai i le Ekalesia ma le atunu, nisi o tala o galuega ma polokalame o loo feagai ma



Susuga Rev. Dr. Afereti Uili F.S.
Pule o le Kolisi

faioga ma a'oa'o i totolu o le Kolisi. Ua matauina i lenei tausaga le iai o nai suiga i le laumua nei, e le gata i ona fale ma ona pa, ae faapea foi i polokalame a'oga o loo faia ai. E manatu o le tausaga mulimuli lenei e faaaogaina ai i se Fono Tele a le Ekalesia le Fale Iupeli o loo iai nei. O le Aoga Tusi Paia foi, ua iai le fuafuaga o le a se'e atu i Apia mo le faatinoga o ana vasega e amata i le masina fou.

Avea ia lenei avanoa e momoli atu ai le faamalo ma le faafetai tele i le Ekalesia ona o la outou tatalo e le aunoa mo le Kolisi i Malua nei, faapea foi lo outou lagolagoina o le Kolisi i le tele o itu, ua manua ma sologa lelei ai ana polokalame ma galuega o loo feagai ai. E fia faamauina foi le faafetai faapitoa i le Komiti o Malua ma le Komiti o le Au Toeaina, o Tama lava o le Kolisi Faafafeau i Malua. Malo le faapalepale ma le alofa faa-tama i le Kolisi, ae maise o iau tatalo aua le manua o le alo faiva o le Kolisi i ona tiute e pei ona faatonuina ai e le Ekalesia. Malo foi faafetai i le taitaiga o lenei Kolisi i auala uma e manua ai lona aga'i i luma.

Tau ia ina ia ta'ita'iina e le Agaga o le Atua le faatofala'iga a le Fono Tele a le Ekalesia i lenei tausaga, ma ia faatalitali pei ona faatonuina ai e le Ekalesia.

"Ina soia [le tausini], ma ia outou iloa o a'u lava o le Atua."

Manua le Fono Tele.

Soifua,

Afereti Uili
Pule o le Kolisi.

SILASILA I TOTONU

Talofa Lava! - Susuga Dr Afereti Uili	1
Tautai A'e & Memoriam	2
Faauuga o Peletisala	3
Faauuga Faifeau Samoa	4
Faiaoga Fou & Aoaoga mo Faiaoga	5
Malua Journal	6
Faamuli Tausaga Muamua	7
Malua Bible School Graduation	8-9
Vaaiga eseese I le Kolisi	10
Motu le pa a ua iloa...	11
Maota Fou & Fale Mafutaga Faafouina	12-13
Ripoti	14-15
Golf 2013	16

TAUTAI A'E

E faamalo faafetai le galuelue punoua'i ma le onosa'i i le galuega a leAtua i tausaga e tele. Ia faamanua pea leAtua ma puipui i lo outou soifua.



MAFI OLOAPU FT & NELE



ILAI TUPUOLA FS & LUAPOU

Memoriam: Rev. Togamau Neko

Ek naflu giborim vayobdu cle milhamah

[In memoriam: Reverend Togamau Neko,
Malua 1977-1980, Afega 1981-1997]

Several times since your passing have I rehearsed the ancient cry of royal lament in memoriam - *ek naflu giborim vayobndu cle milhamah* men of might! implements of war! forsaken in the heights

of favour - several times poignant of the watch of life thrown our way by the inexactitudes, the apparentness of my destiny is to question why you have fallen, *ek naflu giborim?* I remember

Our meeting at the unfurling of the Euangellion - at its vortex Jerusalem became reconstituted - the signature of Ixthus was carved where the road curved away from the pulu trees into the Mediterranean clime, and you - you ploughed the waves to plant justice, preferring the seed that fell on rocky ground The universalist in your step detested the straitened paths at Malua, to find the meaning of the corinthian controversy that split the Church - you said here lies the scourge of our age

The aplomb and the ceremonial synopsis of consensus you found despicable for lapsed conscience the protocol of discipleship marked for you and I, omericly of this age of upturned faces corrupted in the edenic parable you fathomed the mythical Edith in the beginning and not Eve you made us drink from the optimism of the Suffering Servant

your style reminiscent of the power coming in the anastacia

k- and I - I walked the stones painted at the outskirts of Gnosis

Ek! the utopian memoir of the *Shibboleth* shift - heaven dawn contradiction - morning anguished of essence - life

lay burning - only the ancient cry of royal dereliction suffices

hare bagilboa al tal veal matar aleichum for neither dew nor rain any more captures the way the dilemma of that early February break of day defined

the semantics of our presence - now only in utterance:

Ha-Cabod! Shekinat Ha-Shem! Our stance

In Tanumafili

Ebbed as your breath reached no more into the deep instead frothing thinly on your lips - effervescent of meanings droplets of life lost in the crevasses - only the life of fools

gelled anymore in the heat of your passing at the third watch - Tanumafili wept, *Ek naflu giborim-vayobdu cle milhamah*

How! have you fallen, mighty men! the implements of war

return no more in the hand of the mighty, your sword your word beckon not anymore

No bells tolled your passing, no sound portend the time

instead the winds of life escape the windowless vastness of this fabled homeland - I watched the tell tale hue of dawn turn into a bloody encounter, sacrilege of the inner sanctum,

ek naflu giborim betok ha milhamah - How! Aiga Sa Gauifaleai failed the hour surfeity, opened ranks,

the standard of GatoaÓitele half masted in the dawning mist -

the staff of Tuisamau decadent in this epitaph of shame

Your passing augments not so well anyone anymore: Aiga Sa Gauifaleai is forever marked in the din of battle, Tuisamau mourns the tragedy that silenced Vagana, the bells that toll the sack of Tanumafili cling to the rafts forfeit its tune forever issue

no sound - I remember our becoming so well, so dim your passing makes - our parting as heirs of the ancient farewell of royals, comforts, *tsar-li aleky ahi*, implements of war shorn on the ramparts, lost no longer to adorn the emblem of Aiga Sa Gauifaleai

At Malua today

I saw you briefly in the aftermath of the Merib at the Arabah, the Maasim of the evening march as usual dressed in the prophetic garb of the Upper Estuary in the manner of one so near so far I stood where we used to stand at the western wheel of the Gilgal, so real so true of the Barthian orthodoxy - then the Recem and the Suse Esh came between you and I - to think you exist the Descartes Fellowship- to say fare thee well again, my friend - *Shalom haberri*,


Reverend Togamau Neko,
The years are long to the morning of our
last watch, so brazenly,
so clearly and so well have I
enjoined the loss,
so sadly in your memoriam,

*hare bagilboa, al tal weal matar aleichum
ki sham nigÓal magen hagiborim
ek naflu giborim betok hamilhamah
tsar-li aleky ahi
ek naflu giborim vayobdu cle milhamah,*

T S Malifa (FT)
Malua, 2013

MALO LE TAU, MALO LE FINAU!

Susuga i le Faifeau Faiaoga Fomai, Peletisala Limā



O le faaiuga o le tausaga na mavae atu nei, 10 Tesema 2012, na tauaaoina ai le faailoga taualoa o le Fomai o le Tofa Mamao (*Doctor of Philosophy*), i le vaega o le Mataupu Silisili, i le susuga i le faifeau faiaoga fomai, Peletisala Limā, mai le Iunivesite o Charles Sturt, Sini Ausetalia. O le taunuuga lea o le taumafai i tausaga e fa, sa fitāituga ai le faifeau fomai ma suesuega, lea ua faataunuina ma le manua. Ua moni ai le upu: "O le faamoemoe ua taunu, o le laau o le soifua lea." Malo le tauivi, malo le onosai, malo le faaeaea i aiga, nuu ma Ekalesia, faapea le tapuaiga a le Kolisi. Ia viia le suafa o le Atua, i lou soifua finau ma le auaunaga faatino i le Ekalesia, e ala i le Kolisi i Malua nei.

O Peletisala ma le faletua ia Michiko sa ulufale i le Kolisi Faafafeau i Malua i le tausaga 1996 ma faaiuina ai le taumafai i le 1999, ma le faailoga o le *Bachelor of Divinity*. Sa avea i laua ma sikolasipi a le Ekalesia i le Kolisi Faafafeau a le Pasefika i Fiti mo le lua tausaga (2000-2001), ma faauuina ai i le faailoga maualuga o le *Master of Theology*. Na toe taliu mai i laua ma galulue ai i Malua nei mo le fitu tausaga, (2001-2007). Sa faaaauuina le soifua aoaoina i le Iunivesite o Charles Sturt mai le 2008-2011, ma toe taliu mai ai i Malua i le tausaga 2012. O le ogatotonu o le tausaga lava lea, sa faailoa aloaia mai ai e le Alii Pule ia Afereti Uili, ua faamanuiaina le taumafai o Peletisala, ina ua taliaina e i latou sa iloiloina ana suesuega (*Thesis*), ma ua faaee i ai ma le faailoga o le Fomai o le Tofa Mamao, e pei ona sa faataunuina i le faaiuga o le tausaga. O le manatu autu o ana suesuega (*Thesis*): *Performing a Remigrant Theology: Sons and Daughters Improvising on the Return Home*. O se suesuega e faatatau i le lē mautonu ai o alo ma fanau Samoa ua toe foi mai i fanua e galulue ma tautua ai, ae ua tuufesili po'o fea tonu o taoto ai lo latou faasinomaga, o le Samoa moni, po o se tagata ese? E tele matafaioi eseese o loo galue ai Peletisala i tottonu o Ienei Kolisi: o ia o se tasi o le Matagaluega o le Mataupu Silisili; o le Taitai o le Komiti o loo nafa ma tulaga o tusitusiga (*writing skills*) a le tausaga muamua ma le tausaga tolu; o ia foi o le faauluuluga o le Komiti o feagai ma suesuega faapitoa a aoao o le tausaga tolu ma le tausaga fa (*thesis seminar co-ordinator*); a o le faauluuluga foi o le Komiti faapitoa o loo iloiloina tusitusiga a faiaoga, o loo lomia i le Malua *Journal*. E tele foi isi sao taua o Peletisala ma le faletua ia Michiko i polokalame fai a le Kolisi. E toalua nai o la alo, o tamaitai ia Italia ma Alofatunoa.

I lau susuga i le faifeau faiaoga fomai, malo le tau, malo le finau!!! Ia faamanuia le Atua i lau susuga ma le aiga, ma ia faaaogaina pea le soifua e auauna ai mo la, mo le manua o Ona tagata.



SAUNIGA FAAUUGA O FAIFEAU

O le 9 i le taeao o le Aso Toonai 18 Me 2013 sa faataunuina ai le sauniga faapitoa e faauuina ai faifeau faaopoopo mo le Ekalesia. O se sauniga na matua faatumulia i le mamalu o aiga faapea foi le Ekalesia aoao. O le Toeaina Faatonu o le Matagaluega a Hawaii – susuga ia losia Evile – sa fai ma taitai, faatasi ai ma le lagolagosua a le mamalu o Tama o le Ekalesia sa o latou faatinoina isi vaega taua o le sauniga. Sa faaalia lava le agaga faafetai o nisi o i latou na faauuina i le Atua ua faataunuina lenei faamoemoe sa taupoina. Sa faamauina ai foi ma le agaga faafetai i le mamalu o aiga o uo ma aumeamamae, faapea le paia o le Ekalesia i le tapuaiga ma le tatalo o lo o sologa lelei ai pea le soifua auauna i le Atua ma lona finagalo.

E 21 le aofai o faifeau sa faauuina ma o i latou la nei; Arthur Talaga & Gese (Niusila i Saute), Togafiti Tuaoimalii & Masae (Aukilani), Ioane Aloalii & Silamua (Kuiniselani), Uelese Mulitalo & Rosita (Kuiniselani), Luma Ah Poe & Ulalemamae (Kuiniselani), Tanielu Lava & Greenlane (Manukau), Olive Samuelu & Maria (Malua/Apia Sisifo), Afatia Afualo & Talalelei (Faasaleleaga), Momoe Gagaeolo & Tagisia (Apia Sasae), Onosai Soo & Toafa (Aana),

Amosa Mikaele & Solinuu (Lotofaga – Lepa – Aleipata), Falaaniko Sio & Teleolealofa (Apia Sasae), Fililagi Toleafoa & Epenesa (Apia Sasae), Farao Faianaipupu & Fualaau (Faasaleleaga), Faresa Faresa & Mae (Faasaleleaga), Iakopo Faasalaina & Mary (Apia), Isaako Sefo & Venice (Faasaleleaga), Vaigafa Paleono Aii & Solonaima (Lotofaga – Lepa – Aleipata), Siaosi Mataia & Samira (Ituotane), Sapati Tima & Meiolandre (Manukau), Semikueva Sua & Florence (Falealili Sisifo).

Olive Samuelu & Maria - E toatasi le sui a le Kolisi i Malua na faauuina ai i lea aso fiafia - o le susuga i le faifeau faiaoga ia Olive Samuelu ma le faletua ia Maria. O le susuga ia Samuelu ma le aiga na faaiuina le taumafai mai le Kolisi i Malua i le 2008 ma le faailoga o le *Bachelor of Theology*. Sa faaaau le taumafai ma faamanuiaina ai i le faailoga o le *Masters of Theology with Distinction* i le Kolisi Faafaifeau a le Pasefika i Suva, Fit. E tusa ma le faasinoga a Tama o le Komiti o Malua, o le 2011 na ulufale ai i o la tiute faafaaiaoga ma o lo o galuega nei le faifeau faiaoga i le Matagaluega o le Mataupu Silisili (Theology). *Malo le onosai i lau susuga i le faifeau faiaoga ma le aiga!*



FAIAOGAFOU



O le susuga ia Tavita Maliko ma Mileleta ua talia e le Komiti o Malua e avea ma faiaoga o le Kolisi ma o le kuata lua o lo'o faamoemoe e amatalia ai le la auaunaga. O le susuga ia Maliko ua faamanuiaina i le faailoga o le *Doctor of Philosophy* ma o lo'o loma nei le faauuga mo ia. O le a galue o ia i le Matagaluega o le Matupu Silisili (Theology).



O le susuga ia Viliamu Chan Foun ma Kathryn ma le fanau sa faaiuina le taumafai i le Kolisi i Malua i le 2010 ile faailoga o le *Bachelor of Theology*. O le tausaga na tea nei 2012 na faauuina ai le faiaoga i le faailoga o le *Masters of Theology* mai le Kolisi Faafaifeau a le Pasefika i Suva, Fiti. O lo o ua tautua nei i le Matagaluega o le Feagaiga Tuai (Old Testament).

AOAOGA MO FAIAOGA O LE KOLISI (IN HOUSE TRAINING)

O le Aso 6 Me 2013 sa faataunuina ai se a'oa'oga faapitoa (In House Training) mo le aiga faiaoga o le Kolisi. O le faamoemoe autu o lenei feiloaiga; ina ia saga faaleleia atili le faaaupegaina o le aiga faiaoga mo le tapenaina o mataupu ma le faatinoaina lava o le galuega i ona itu uma. O se a'oa'oga o lo o faamaite mai pea e le Asosi o Kolisi Faafaifeau i le Pasefika i Sautē (SPATS) mo Kolisi uma o le Pasefika. O lenei aoaoga sa faatautaia lava e susuga i le Alii Pule (Dr Afereti Uili F.S.) ma le Sui Pule (Maafala Lima F.S.) – o i laua foi ia o sui o le Kolisi i le SPATS – ma sa faataunuina lava i le ofisa o faiaoga i le fale mafutaga.

O se itu taua sa tau faamamafa iai saunoaga o le aso, o le tapenaina lelei lea o mataupu ma polokalame, e fuafua lava i iuga ma itu uma e manatu e ao ina ausia e soo se aoao; i lona aoaoina i le mafaufau ae faapea foi i le itu faaleagaga (outcomes based).

O se faamoemoe taua tele aua ua le gata ina fesoasoani mo le faaleleia atili o le auauaga faafafiaoga, a o le a mafai ai ona agai pea i luma le tulaga maualuga ma le lelei o polokalame a le Kolisi.




MALUA JOURNAL

I le Fono Tele o le 2013 sa faalauiloa ai e le Alii Pule o le Kolisi i Malua le uluai lomiga o le Malua Journal. O lenei tusi o lo'o aofia ai tusitusiga ma suesuega tau i le Tusi Paia, Mataupu Silisili, Talafaasolopito o le Ekalesia, faapea Mataupu Tau i le Galuega Faafafeau.

O se faamoemoe sa tasi iai le faatofalaiga a le Alii Pule ma le aiga faiaoga ina ia mafai ona faamau-mauina nei galuega ma ia aoga mo so'o se tasi e fia suesue atili i nisi o mataupu tau le Malo o le Atua. O lo'o tofu sao uma le Alii Pule ma le aiga faiaoga i le fausia o lenei tusi e ala i pepa ma suesuega o lo'o tapenaina, iloilo ma teuteu e le komiti, a o le i tuuina i totonu o le tusi. O le komiti faafoe o lo'o aofia ai faifeau faiaoga ia Maafala Lima, Alesana Eteuati, Dr Faalepo Tuisuga, Dr Peletisala Lima, Dr. Aukilani Tuiai ma Apineru Fasavalu.

O lenei faamoemoe ua amatailia i le tasi le lomiga i le tausaga, ma vaavaai atili ai i se isi suiga mo le lumanai. A o pepa nei o lo'o aofia ai i le lomiga muamua;



First Edition - Issue 1, May 2013.

- *O se faafesootaiga Faaletusitusiga (Intertextuality) o le Saisaiina o Isaako (Kenese 22) ma le Pueina o Iesu (Mataio 26)* – Dr. Peniamina Leota (FS)
- *O le Sapati: O Iona Mafuaaga ma Iona Uiga* – Dr. Afereti Uili (FS)
- *Iapesa o se Fua Fanua (Jabez as a Land Surveyor)* – Samasoni A. Moleli (FS)
- *Nafanua: A Prophetess of God. The CCCS and Hermeneutics* – Malutafa Leaupepe (FS)
- *Asenati le ava a Iosefa: O le Faataitaiga mo Tagata o Nuuese i le Feagaiga Fou* – Alesana Eteuati (FS)
- *Mareko 8:24. "Ua ou iloa atu tagata ua faapei o laau, o loo savavali"* – Visesio Saga (FS)
- *O le EFKS ma le Faletupe* – Muao Sua (FS)
- *"Teu le Va: Toe Faamaautuina o Tuaoi"* – Maafala Lima (FS)
- *The Martha and Mary in me the Faletua!* – Michiko Ete-Lima (Faletua o le Faiaoga)
- *O se Vaaiga i Mataupu Silisili Faa-Efika (Theological Ethics) a le Ekalesia Katoliko ma Lotu Porotessano* – Olive Samuelu (FS)
- *Mataupu Silisili Faalauaitele (Public Theology)* – Dr. Peletisala Lima (FS)
- *"Sea le feau a Atenai ia Ierusalem?" What has Athens to do with Jerusalem? – Siu Vaifale (FS)*
- *O le Talafaasolopito o Fevaevaeaga (Schism) i totonu o le Ekalesia* – Leitualasa Malietulua (FS)
- *Le EFKS ma Tagata Lautele (Laity) 1990-2001* – Dr. Aukilani Tuiai (FS)
- *'Faiva Alofi-Lima o le Mataupu Silisili' (Practical Theology)* – Dr. Faalepo Tuisuga (FS)
- *Iloiloga o Feteenaiga (Conflict Analysis)* – Alesana Palaamo (FS)

Faafetai

Faamuli o le Eseta, Tausaga Muamua 2013

Talofa lava, o sina ripoti pu'upu'u e tusa ai ma le matou faamuli muamua, le faamuli o le Eseta, i lalo o le ta'ita'iga a le Tama Pule ma Solipo Niulesa. Ina ua taape le Kolisi i le Aso Tofi, na saunoa ma faailoa mai ai e Solipo vaega eseese e ao ona matou iloa a o faagasolo le faamuli. O le afiafi o le Aso Tofi lava lea, na amata faatino ai loa ia fuafuaga. O nisi o aoao ua tapena le taumafataga o le afiafi, a e o nisi ua agai i le tapenaina o meaai mo mea'itu'aolo (tulou). O nisi foi o faletua ua fesoasoani i le tapenaina o taumafa, a e o le isi vaega ua tapena le Chapel mo le sauniga lotu i le taeao o le Aso Faraile (Good Friday). Ina ua maea faiga lotu o le afiafi ma le taumafataga, ona toe faaaauau ai lea o leoleoga o le aai, se ia pa'ia le 12 i le po. O le taeao o le Aso Faraile sa faia ai le sauniga lotu o le Aso Maliu, na taitaiina e le Tama Pule ia Afereti Uili, a o feagai ai nisi o aoao ma leoleoga. Na saunia e le faamuli ni nai taitai o taumafataga mo le Pule ma faiaoga, a e sa faia le matou to'onai ma Solipo ma le aiga. Na malolo lelei lava i lea aso ina ua saunoa le Tama Pule, e faataua ma manatunatu loloto i le maliu o le Faaola. O le Aso To'onai na ala usu ai aoao i le faamamaina o le pa o loo i ai le pou faasalalau a le Blue Sky, ona soso'o ai lea ma le teuina o le laau i tafatafa o le maota o Peletisala Lima. O polokalame masani o afiafi sa faapea foi ona faatino i le afiafi o le Aso To'onai. O le Aso Sa sa faia ai le sauniga lotu o le Eseta, sa taitai lava e le Tama Pule. Na maea le sauniga, soso'o ai lea ma le to'onai, sa auai mai ai le Tama Pule, le aiga faiaoga ma o latou faletua.

Na saunoa Alesana Eteuati, e fai ma sui o le Tama Pule ma le aiga faiaoga, e faafetaia lenei vasega, e tusa ai ma le agalelei e ala i le toonai, faapea le faatinoina o tiute eseese o le faamuli. Na faapea foi ona tuuina mai faamanuiaga mo i matou, auā le ola ofoina atu mo le Atua ma lana Talalelei. Na toe saunoa faaopoopo foi le Tama Pule i le agaga lava lea o le faafetai, faatasi ai foi ma faamanuiaga, ua matou talia ma le agaga faafetai ma le loto maulalo. Sa valaaulia ai loa ma le matou faamuli, e auai faatasi i taaloga a faiaoga ma faletua i le Aso Gafua.

Na matou toe feiloai ma Solipo ina ua maea taaloga ma momoli mai ai ona lagona faagaeetia i le sologa lelei o mea uma. Ua lagona lava lona fafia i le faaiuina o le faamuli i le manuia, ae maise lava o le fafia o le Tama Pule ma le aiga faiaoga. O se mafutaga faagalo gata le mafutaga.

IA FAI MA VIIGA O LE ATUA MEA UMA TATOU TE FAI
SOIFUA



FAAUUGA MALUA BIBLE SCHOOL

O le aso Toonai, 16 o Mati sa faataunuina ai le faauuga a le Aoga Tusi Paia Malua. E 12 i latou sa faamanuaina i le faailoga o le *Certificate in Theological Studies*, ma le 9 i le *Diploma*. Sa molimauina le sagisagi fiafia mai o aiga, uo ma e masani, faapea foi i le afioga i le Palemia, Taitai o le itu-agai, nisi o Minisita ma Faipule o le Maota Fono o Samoa, ae maise lava le au faauu, ina ua faataunuina ma le manuia lea faamoemoe. E tulaga ese lea faauuga ona sa faauu ai ma le afioga i le Faipule o Falelatai ma Samatau, le afioga ia Lemalu Taefu Lemi i faailoga o le *Certificate* ma le *Diploma*. O le afioga ia Lemalu e mai le Ekalesia Katoliko i Falelatai, faatasi ai ma le susuga i le Taiala (tulaga tutusa ma le tatou Aoao Fesoasoani) o Auimatagi Faafetai mai Malie. Sa faauu ai foi ma nisi o tamalii o loo umia tofiga maualuluga i le malo ma afioaga, faatasi ai ma faletua o faiaoga ma aoao Malua. Sa taitaiina lenei sauniga e le Susuga i le Toeaina Faatonu, o le Taitaifono foi o le Komiti a Toeaina ma le Komiti Faafoe o le Aoga Tusi Paia, ia Peleti Toese Toailoa.

Ripoti mo le Aoga Tusi Paia, na saunia e Lemalu Taefu Lemi

Na lagona le faatauvaa, le faafetai ma le faagaeitia ina ua valaaicina e le Atua e avea ma Tofi o le Itumalo Falelatai ma Samatau. O le faasala-lauga a le Aoga Tusi Paia, na manatu ai o le isi lea auala e iloa atili ai Lē na alofa mai. Ua ou iloa nei, o se faaiuga sili atu ona lelei na ou faia, aua na o'u manatu lava ua o'u iloa le Atua. Sa ou fiafia tele i le aoga ma naunau e fia iloa. O le ala lea, e ui ina

noatia i tiute ma faiva, ae sa taumafai lava se taimi e faaauau ai le aoga. O le tele foi o meaaoga ma tapenaga mo suega sa faatino i luga o vaalele ma faletalimalo i atunu mamao. Faafetai i fesootaiga faaneionapo na faigofie ai fesootaiga ma nai faiaoga. O nisi taimi, ua fai tuutuuga faapitoa e sue ai suega, pe afai e taunu mai ua faagasolo le vaega lea.

O le Aoga Tusi Paia o se avanoa lelei ua saunia ina ia faalauteleina ai le malamalamā o soo se Kerisiano. E aogā i soo se tagata lotu lava, ae sili lava lona aogā i a'i latou o ē mautofi i Ekalesia e iai Tiakono, Aoao Fesoasoani, Failauga, Taiala ma isi auaunaga, ina ia malamalamā atili ai i le Atua ma Lana Talalelei.

E momoli atu le faafetai tele ona o lenei fuafuaga lelei ua faia aua le soifua faaleagaga o tagata. Ua outou lē faapito manū ia Tasi ae ua tatala le fai-totoa i soo se Ekalesia, na semanu ou te lē maua ai lenei avanoa matagofie. Ou te faafetai tele atu i le Susuga i le Alii Pule, le Sui Pule, ae maise le Susuga ia Alesana Eteuati, o le Sooupū o le Aoga Tusi Paia. O le finagalo malamalamā na mafai ai ona fetuutuunai avanoa mo i matou. Ou te faafetai tele atu i le aiga faiaoga, i le sosia ma le tamaoaiga o le silafia faasoa mai, na matua faaosofia ai le naunau i le aoga. Soo se vaega o suesuega, na mautinoa lava lo outou lava saunia mo ia vaega uma. Ia saga faaa'upegaina outou e le Atua i lona finagalo, ma saunia atili outou mo lana galuega. Faafetai.

Lemalu Taefu Lemi





Faauuga 2013 a le Malua Bible School



Vaaiga Eseese i le Kohisi



IA MOTU LE PA A UA ILOA...

Fa'aipoipoiga a le Kolisi:

I le tu'uaga umi a le Kolisi 2012-2013, sa fa'apena ona fa'apaia ai nisi o a'oa'o ma o latou faletua e ala i fa'aipoipoga. O susuga i fa'ai'usaso ia Talamitaki & Vaitu'i Hasini (9 Ianuari 2013), Isamaeli & Johnelene Poasa (18 Ianuari 2013), fa'apea ma le a'oa'o tausaga tolu ia Taulotoga & Sago Viliamu (23 Tesema 2012). *God bless and may your homes have plenty of food!*

Pepe Fou:

Ua fa'aopoopoina le faitau aofa'i o tagata i le Kolisi e ala i meaalofa tāua pei ona fa'amaniuaina ai i pepe fou. O i latou ia ua o'o iai le fa'asoa mamana a lo tatou Alii, o le a'oa'o ia Sekoa Levasa ma le faletua ia Te'evale, a'oa'o ia Etiveni Taavao ma le faletua ia Si'illevi'iga. Faifeau faiaoga ia Visesio Saga ma le faletua ia Analeta. *God bless and fuatele pea le niu mo le Atua ma Lona Malo!*

Ua a'e ma le manuia le fa'atamasoāli'iaga:

I le masina na te'a nei, na fa'ailoa mai ai e le Iunivisite o Charles Sturt i Ausetalia le fa'amaniuaina ai o le susuga i le faife'au faia'oga ia Aukilani Tuiiai, i le fa'ailoga o le Doctor of Philosophy (PhD) i le Tala Fa'asolopito o le Ekalesia. O le fa'ai'uga la o lenei tausaga i le masina o Tesema 2013, o lo o faamoemoe e tau'a'ao aloaia ai lea fa'ailoga.

Toa fa'aopoopo o le galuega:

I le a'e ai o le Kolisi i lenei tausaga (2013), na mātauina fo'i le toe fa'atasi mai o le susuga i le a'oa'o ia Ionatana Te'o ma lona faletua ia Vaito'a e a'oa'oina mo le fa'ailoga o le Bachelor of Divinity. O lenei fa'ai'usaso na auai muamua mai i le Kolisi i le tausaga 2009 e ala i le sikolasipi a le Ekalesia Faapotopotoga a Iesu Samoa. *Fa'ato'ateleina pea le 'au tau a Keriso!*

Tu'umalo nisi o aiga, uo ma ē masani:

I le amataga o le tausaga nei (2013) ma lenei kuata, na ufitia ai le Kolisi i se ao pouliuli ona o le vala'au pa'ia a lo tatou Tapa'au Sili i le Lagi i nisi o ana auauna. O ē ua vala'auina o tua'a ia o faletua o faia'oga ia Amelia Setefano ma Matagi Malieitulua, fa'apea le tua'a o le faletua o le a'oa'o ia Eseta Tofilau. *Fa'amaise ma maua pea le filemu o le Atua i aiga uma a'o feagai ai ma fa'anoanoaga.*

Faifeau tausi nuu:


Fiafia e fa'ailoa atu le vala'auina o le faifeau faia'oga ia Muao Su'a ma le faletua ia Tauvela e le Ekalesia i Vaitele Uta e avea ma o latou fa'afeagaiga. Ua fa'amaonia ma aloa'ia lea vala'au e ala i le fono a le Komiti o le Au Toeaina (Me 2013).

Malo uso le onosa'i, manuia fo'i le aga atu i le galuega i tua.

Fa'amaniuaga o le Aso o Tina ma Tama'ita'i:

Sa fa'amauinna le agaga fiafia ma le fa'afetai tele o faletua o le Kolisi ina ua tapenaina se fa'afiafiaga e aualofa atu ai le fa'amuli o le fono la'itiiti mo lea aso e fa'asino i tinā ma tama'ita'i. Sa fa'atino lea fa'amoemoe i totonu o le pa tenisi a le Kolisi.

Malo fa'afetai i ta'ita'i fa'amuli ma le fa'amuli mo lea fa'amoemoe matagofie.



MAOTA FOU I LE LAUMUA

PULEGA SALEGA



PULEGA LEPA MA LOTOFAGA




PULEGA FAGALOA



MAOTA O LE AU PENISIONE



PA FOU - ITU I LEULUMOEWA



fa'aauau itulau 15



TOE FAAFOUINA LE FALE MAFUTAGA




Principal's Office



Main Hall



Staff Room



Chapel



Kitchen

RIPOTI A LE PERESETENE MA LE FAILAUTUSI 2013

I le ava ma le faaaloalo e tatau ai, e tusia ai lenei ripoti e faatatau i le uiga malie ma le mafanafana o loo molimauina ma faatinoina i totonu o le mafutaga a aoao i lenei tausaga 2013. E oo mai i le taimi nei, e fitusefulu ma le iva (79) aoao o loo aotauina mo le galuega faa-faifeau. O se mafutaga e faavae i le alofa ma le tofa fetuutuunai i le ava fatafata i uiga faaalia ae maise lava i le sofiuaga e tatau mo le tapena atu i le galuega faa-faifeau.

E tele ni Polokalame o loo faatinoina i aso uma o le vaiaso, e aofia ai aoga, galuega, taaloga ma tapuaiga o loo faapea ona galulue soosoo tauau i ai aoao uma (T4-T1) i lona faataunuina i le lelei e gata ai. O nei Polokalame uma, o loo faatinoina lava i lalo o le taitaiga a le Susuga i le Alii Pule faapea faiaoga o le Kolisi Faafaifeau i Malua i se finagalo e faapea "***o aoga lava mea uma***".

O upu lava a le atunu e ***sui lava faiga ae tumau faavae***. O le ata manino lea o loo taumafai i ai le Laulau 2013 faapea le Vasega o Faaiuaso e limataitaina ai le gasologa o Polokalame faatino e pei ona taua i luga. O loo laualuga lava i manatu, ina ia avea lenei mafutaga (aoao ma faletua) o se aiga e faavae mea uma i le faakerisiano.

O le aotelega lava i le matau ma le gasologa o Polokalame fai a le mafutaga a Aoao, o loo sologa lelei lava mea uma. E faafetaia ai le lagolagosua mai o Ekalesia ma aulotu, o aiga, o uo ma i latou uma o loo tapuaia faiva ma tiute o loo matou feagai ai i totonu o le Kolisi Faafaifeau i Malua. O le matou tatalo, ia faamanuia pea le Atua, i lo outou soifua auauna ma ia faatutumu mea uma ua faagaogao ona o le lima foai mo le faaleleia o lenei mafutaga. Ia manuia tele fuafuaga o totoe o lenei tausaga.

Faafetai,
Karanita Petaia (Peresitene)
Enoka Aperaamo (Failautusi)
Mafutaga aoao 2013

MAFUTAGA FALETUA



TAALOGA MAFUTAGA FALETUA



Talofa lava. la saga viia le alofa ma le agalelei o le Atua ua maea le kuata muamua i lenei vaega o le a'otauina i Malua nei.

O le mafutaga a faletua e to'alimasefulu. O lo'o i lalo o le faamalumaluga a le faletua o le Susuga i le Alii Pule, le faletua ia Samata Uili ma faletua o faiaoga. O lo'o faaauauina pea le vaevaeina o faletua i vaega eseese e lima o faletua e nafa ma le maota o le Alii Pule ma Ofisa, Falesa, Kindy, Fale Mafutaga ma le Faletusi.

O lo'o fa'aauauina pea Polokalame o meataulima a faletua i Aso Lua taitasi. Ua mafai ai ona maua se iloa, a o le taleni faasoa mai le tina ia Samata ma faletua o faiaoga i le a'oa'ina o le su'isu'i, tusiata, (stencil cutting and printing), elei eseese ma faaogaina ai upeti a le faletua lava ia na tusia, vaneina (sei tulou) ma vali, kolose ma le tapenaga o taumafataga ma le faamoemoe ia faamatagofieina ai pea le foafoaga a le Atua.

O le tausaga nei foi ua amata ai ona togia meataulima a faletua e fesoosoani i le taumafai.

O lo'o auai foi nisi o faletua i la tatou Aoga Tusi Paia, ma maua le avanoa e mafuta ai e ala i le tapuai faatasi i le Lotu a Tina i Aso Lulu faapea taaloga i Aso Tofi uma. Ua faapena foi le galulue faatasi ai ma le faletua o le Alii Pule ma faletua o faiaoga i le a'oa'oina o fanau a Malua i fatauga tusi faa-Peretania ma le fatauga Tusi Paia fa'aSamoa faapea mataupu tau le 'Aoga a le Faifeau.'

E momoli ai lava le faafetai tele. Saga viia le Atua i Lana taleni faasoa mai e ala mai ia te outou tina. Manuia tele le aga atu i galuega o totoe mo lenei tausaga. Faafetai tatalo, faamalo le tapua'i. Viia le Atua.

Ma lo'u faaaloalo lava,
Elena Petaia

E muamua ona faatalofa atu i le suafa manumalo o lo tatou Alii o lesu Keriso. Malo le soifua, malo foi le faamalolosi i la tatou polokalame taalo o lenei kuata.

O sina tala ototo lenei o taaloga a faletua o lena kuata ua maea atu. E pei ona silafia o faletua lava o faaiuaso sa feagai ma le faagaoiina o lenei polokalame. O i latou foi sa taitaia le faagasologa ma le faatinoina o taaloga.

O loo aofia ai foi i totonu o lenei Komiti faletua o faiaoga. (faletua ia Tauai Vaifale, Tauvela Sua ma Kathryn Viliamu.) O se tausaga ese foi lenei i le faagasologa mai o taaloga a faletua. O loo vaevaeina i au e fa (4), Tiger, Liona, Pafalo ma le Luko.

Sa matauina le alualu i luma o le tomai o faletua i le faatinoina o le taaloga lenei o le Voli (volleyball)

E momoli atu ai le faafetai tele i le faletua o le Alii Pule, Samata Uili, le faletua o le Sui Pule, Lalokava Lima, faapea faletua uma o faiaoga; tainane le faletua o le peresitene ma le failautusi, faletua o faaiuaso faapea le mafutaga a faletua. Malo le tauivi, malo le finau, malo foi le taalo faatausala. O le agaga lava o lenei polokalame, o le mafuta fiafia ma maua le faamalosi tino, e faalalo ai le tino puta ma le mai suka; e umi ai le soifua ma maua ai pea le malosi e lagolagosua ai i le galuega.

Faamanuia tele le Atua ia te outou uma i le feagai ai ma tiute ma faiva, aemaise ai o le feagai ai o le Ekalesia ma le usuia ai o lana Fono Tele i lenei tausaga 2013.

Soifua ma ia manuia o Faleupolu Laufiso.



AOGA ASO SA I MALUA

Faifeau : Rev. Dr. Afereti Uili

Faiaoga Aso Sa – (a'oa'o) Alesana Ainuu, Andrew Laufiso , August Lee, Enoka Aperaamo, Faafetai Ioane, Fala Nila, Iakopo Manutai , Iona Leaana; (**faletua**) Elena Petaia, Aliitasi Aula'i, Johnelen Poasa, Aiga Crichton, Vaiialis Seti, Vaitoa Te'o; (**Faletua o Faiaoga**) Samata Uili, Tauvela Su'a, Mau Tuiai, Tauai Vaifale, Josephine F. Leaupepe, Maria Samuelu, Katherine Chang Foung, Lile Niulesa.

O le 17 Fepuari 2013 na amatalia ai le Aoga Aso Sa i Malua mo lenei tausaga. O afiafi o Aso Lua ma Aso Tofi o vaiaso taitasi e faia ai aoaoga a faiaoga mo tapenaga o vasega taitasi. O le itula e 1.00 i le aoauli o Aso Toonai, e faatino ai loa tapenaga a o silasila le faifeau ma faiaoga Aso Sa uma aua le faaleleia atili o matapu a'o le'i faatinoina mo fanau i le taeao o le Aso Sa (7.30 – 8.30am).

E momoli atu le faafetai tele i le susuga i le Alii Pule o le Kolisi faapea le lagolago a faletua o faiaoga, ma le vasega o a'oa'o ma faletua tausaga 4; o e sa tuu faatasi loto ma agaga, o outou taimi, aua le faatinoina o le galuega mo le kuata muamua o lenei tausaga. Malo onosai, malo loto tetele, malo galulue! Faamalo foi i fanau ma matua ona o le lagolago mai e ala i le tapenaina o fanau i lavalava ma sene foai mo galuega a le Aoga Aso Sa. O ala uma lava ia o la tatou auau-naga i le Atua, o le e manuia ai le ola tuputupua'e o fanau i lana Talalelei.

Ia manuia tele faiga tuuaga a le Kolisi ma le usuia o le Fono Tele a le Ekalesia aoao, ia fati sosolo le galu se'e o Tuisavalalo aua le tofa liuliu ma le utaga sa'ilii; ia lele malie le ti'a o le tautiaga; ia ulu tonu ma ifo i aao o le fata faitaulaga a le Atua aua se manuia mo ona tagata faatuatua.

Soifua

Iakopo Manutai (Failautusi Aoga Aso Sa)

MALUAPAPA PRE-SCHOOL

Talofa lava! O le viiga lava ma le faafetai i le agalelei o le Alii, ua mafai ai ona faaiuina ma le manuia galuega ma aoaoga a alo ma fanau o le Maluapapa Pre-School mo le kuata muamua 2013. Na amataina aoaoga i le aso 18 o Fepuari 2013 i lalo o le taitaiga a le faletua o le Pule ia Samata Uili, faatasi ai ma le lagolagosua a faletua o faiaoga ia Lemapi Tuisuga ma Kathryn Chan Foung. E 22 tamaiti o loo aoaoga nei - 12 tama ae 10 teine.

E 10 vaiaso na fai ai a matou galuega faatino ma talaanoaga. O nisi o autu poo themes sa aoaoina ai le fanau; *Introduction* (O le tamaititi), O le tamaititi ma Iona aiga, *Alphabetical Order*, Laupama, Eseta, *Numbers* (Fuainumera), Fomai, Fuimu. Na alu foi le asi-asiga (*field trip*) i le Ofisa o Tineimu. O le auga lava ia malamalama tamaiti i galuega, o lavalava e faaaoga, pulou, taavale aemaise ai le mea e tu ai le ofisa.

E fia faamauina le agaga faafetai i le taitaiga a le faletua o le Pule ma faletua o faiaoga ua iu manuia ai fuafuaga uma o lenei kuata. Faafetai foi i matua i ala eseese sa fesoasoani mai ai. Faamalo foi i faletua o aoao sa o matou galulue i lenei kuata. Tatou tatalo pea mo faamanuiaga a le Atua i a tatou fanau, ma ia avea ma auauna aoga mo le Atua i le lumana.

Faafetai,

Aigaefo Faleata Crichton & Aliitasi Aulai.

(*O faletua o aoao sa fesoasoani i lenei kuata:* Aliitasi Fuimaono, Siileviiga Taavao, Mercy Samuelu, Nyrell Neueli, Litia Sitanilei, Tupe Isara, Rotanya Kalolo, Aigaefo Faleata Crichton, Aliitasi Aulai)

TAALOGA MAFUTAGA A'OA'O

Afai e malosi ma maloloina le tino, e faapena fo'i ona maloloina ma malosi le mafaufau. O le faamoemoe lea o le polokalame taalo a le Kolisi i Malua i Aso Tofi taitasi, e aofia ai uma le susuga i le Alii Pule ma le faletua, le aiga faiaoga ma faletua, ae maise ai i le mafutaga a a'oa'o ma o latou faletua.

E faapito augafa lenei ripoti i taaloga sa feagai ai ma faiaoga ma a'oa'o. I taaloga Iakapi pa'i (*touch rugby*) ma le soka, sa vaevaeina i ni au se lua, o le Pa'epa'e (*white*) ma le Uliuli (*black*). I le amataga mai o le kuata, sa finau lava au uma, aua e fesuisuia'i pea au e malo i Aso Tofi taitasi. Peita'i na faasolo mai pea lava le kuata, ma vaaia le malosi o le finau a le au a le Uliuli, ina ua faigata lava ona toe manumalo le Pa'epa'e. Ae o taaloga faaiu lava na taualuga ai taaloga o le kuata muamua, manumalo ai le au a le Pa'epa'e.

I le taamilosaga kirikiti, sa vaevaeina ai i au e fa. O le Lanu-moana (*blue*), Lanu-samasama (*yellow*), Lanu-mumu (*red*), ma

le Lanu-meamata (*green*). E le'i tele ni avanoa mo taaloga kirikiti, ona o le tulaga i timuga. Ae o nai masele sa maua, na molimauina ai fo'i le tele fo'i o le agava'a i le Kolisi i lea faagatama. O le au Lanu-samasama, sa o latou uuina le talita i le 3 tausaga taluai, ma le au Lanu-moana. Na mataina le tau-mafaiga a le Lanu-moana ina ua o latou manumalo i le talita, ua 3 tausaga sa mau pea i le Lanu-samasama.

E momoli atu le faafetai tele i le susuga i le Ta'ita'i Komiti, le faifeau faiaoga, Muao Su'a, faapea ai ma le tapuaiga a le susuga i le Alii Pule ma le aiga faiaoga, i lo outou lagolago malosi mai, i le faataunuina o polokalame taalo. O le a fo'i se faaletou o le mafutaga a a'oa'o, i le laulau ma le nofo a suega, ae maise le Komiti, ia faatafea i nuu le aina.

Soifua

Iona Leaana (sui o le komiti)

Golf 2013: Tasi manumalo; Tasi Tutusa

O le aso Faraile, 10 Me, na laga ai le toilalo o le au tapolo a Malua ina ua manumalo i le au malosi mai Ausetalia i lea foi faagatama, ma ua toe foi mai ai le ipu o le Asiana i Malua, lea sa evaeva atu i Ausetalia mo tausaga e lua ua tuanai. E ui lava o le faamoemoe o le manumalo, a e o le auga sili, o le mafutaga ua maua a Malua, ma le aufaigaluega, i Susuga i Toeaina ma Faafegaiga mai Ausetalia, ma sa atagia lea i le aso o le taaloga – e finau, a o suaga ma taga malie sa molimauina. O le faafetai lea ma le viiga i le Atua. O lea foi le finagalo o le susuga i le Toeaina ia Peleti Toailoa, i lana saunoaga i lea aso. O le susuga i le Toeaina ia Aviti Etuale sa fai ma sui o le autaalo mai Ausetalia, na tauaaoina le ipu i le kapeten'i a Malua, le susuga i le Alii Pule ia Afereti Uili. O le a faaauau pea lea mafutaga i le tausaga fou, a e tali malo ai le au mai Ausetalia.

O le aso Lulu, 15 Me, sa faatinoina ai foi le taaloga a Malua ma le isi foi au malosi mai Niu Sila

i Saute, lea o loo umia ai e le au a le Kiwi le ipu. Sa vaaia le finau ai o au e lua, a e sa molimauina foi le agaga o le mafuta faatasi ma le fiafia. O le iuga o le taaloga, e tutusa, ma ua toe lele foi le Kiwi ma le ipu, a ua nofo sauni Malua e finau mo le manumalo i le tausaga fou. Saunoa le susuga i le Toeaina ia Popo Sua, i le taua o le taaloga, e lē gata i le faamalosi tino, a o mafutaga fiafia a le Kolisi ma le aufaigaluega galulue. O le auga o le saunoaga, ina ia maua pea avanoa faapenei i le lumana'i. Tali faitau le susuga ia Afereti e lagolagoina lea faamoemoe, ma o le a saili le siamupini moi i le tausaga fou. O le a lē faatamala foi Malua e toe faafoi mai le ipu i lea tausaga, i le alofa o le Matai sili i le lagi.

Ia manuia toe taualumaga o le Fono Tele, ia faamanuia foi le Atua i le toe taliu atu i atunu'u o loo galulue ai.



Komiti o le Maluapapa

Aukilani Tuiai, Visesio Saga, Malutafa Faalili, Leitualasa Malieitulua, Apineru Fasavalu,

Pasefika Maiava, Vaise Maiava

Malua Theological College

www.maluapapa.ws

© 2013